

TEN-BUᅀBUᅀ-LA PIITA SI ᅀMUᅀSA

¹ Mi-na Piita si ᅀaa Yesu Kirisito nanᅀᅀoo, mi ne ᅀmuᅀse teniᅀ deenᅀ a pipi ma nialiᅀ kala si laa Yesu wiaa dii aᅀ tiᅀ hᅀeᅀ wiaa a piᅀe a he Pᅀᅀᅀos le, Galiisia, Kapadoosia, Esia, ari Bitiinia tiᅀteenᅀ kala le. ² Faafaa kala ne la Nyimma Wia biine ari u maga di ma ᅀaa u niaa, ᅀii ne tii u liisema a joᅀ u Diᅀ-zᅀᅀ-*la* a hema le, di ma ᅀaa tuo-pul timma u teenᅀ a tuto Yesu Kirisito niᅀ. U ne joᅀ u chaliᅀ jaase ma wiaa di ma sí disinniᅀ keᅀ Wia teenᅀ. La Tiina Wia lahᅀrimo, yarifielaa jaᅀ yuge ma teenᅀ.

Wialiᅀ la sí yiᅀlu

³ Má leᅀ di la denne Wia, nii-la si ᅀaa la Tiina Yesu Kirisito Nyimma. U fála nennige kiᅀkeᅀ. ᅀii ne tii la wuo keᅀ mii-faliᅀ deenᅀ, beᅀ wiaa Yesu Kirisito suba aᅀ sii suuᅀ le ne. La saa yiele ari la jaᅀ keᅀ miisi-la si bi dere. ⁴ La maa yiele ari la jaᅀ dii ku-zᅀmo-la Wia si ᅀaa bil u niaa le u jaᅀ le. Kialiᅀ bi jaᅀ pua, ba bi jaᅀ chei maa, ba zᅀmuᅀ ma bi jaᅀ lii. ⁵ A tiᅀ ma si laa u wiaa dii ᅀii, Wia beᅀma ne. Di dunia ne ku didere, u jaᅀ dage niaa ᅀii u si laama ta. ⁶ Kialiᅀ ma si jaᅀ na Wia teenᅀ leᅀe ma tuoᅀ faasa toᅀe. Lᅀeᅀ ᅀla-na ma tuoᅀ cheye ne, beᅀ wiaa hᅀeᅀ juuma ne. Ama ma jima ari hᅀe-la si juuma, u bi jaᅀ dieni. ⁷ Hᅀe-la jaᅀ leᅀ di niaa wuo na ari wialiᅀ ma si laa dii-na sene ᅀaa wutitiiba ne. Ba zᅀmo

a kii selime si zomɔ nii. Selime ɲaa dunia niaa ku-choolii ne. Ba yie joŋo cho ne a yugile di ba na u sene ɲaa selime nee? Ɔii titia ne ma ma nage. Ba magisema nii di Yesu Kirisito ne miira kɔ tapulii-la, niaa jaŋ denne Wia a zizilu duu yiriŋ yire a tiŋ wialiŋ ma si laa dii wiaa. ⁸ Ari ma ha si bi Yesu Kirisito na ma kala, ma ha chou ne. Ma si buu na ma ha, ma laa u wiaa dii ne. Ɔii wiaa, ma tuɔŋ tɔre kiŋkeŋ kiŋkeŋ ne. Ma paala bi ma tuɔtɔruŋ wuo didage. ⁹ A tiŋ ma si laa Yesu wiaa dii nii, nii ne tii Wia laama ta.

¹⁰ Nialiŋ fa sii bul wiaa, Wia Diŋ-zɔŋ-la doluŋ le fa bul wu-zomɔŋ deeŋ Wia si jaŋ joŋo pima wiaa ne. Ba fa gbilli Wia teniŋ tuɔŋ ari siifesiŋ di ba na nii Wia si jaŋ laa u niaa ta. ¹¹ Yesu Kirisito Diŋ-zɔŋ-la fa si heba le, u ne bula piba nii Kirisito si jaŋ na heeŋ, ka di niaa-na zizilu. Ɔii ne ba ninerike di ba na bua-la le wiaa deeŋba si jaŋ ɲaa ari nii ba si jaŋ ɲaa. ¹² Wia joŋo dageba ari ma wiaa ne tii ba faa bul wiaa deeŋba, ba titia wiaa dee. Lɛɛɛ nialiŋ si bul Wia wu-zomɔ-la pipima, ba dagema buŋbuŋ wiaa deeŋba kala ne. Wia Diŋ-zɔŋ-la si lii Wia-jaŋ ku tuu heba le ne piba doluŋ deeŋ. Wia tiŋdaaraa ma fa cho di ba na wiaa deeŋba.

Ɔii Wia niaa si maga di ba nage

¹³ Ɔii wiaa, má leŋ di ma tuɔbiinaa pe doŋo le a keŋ ma titia wii-na kala le. Má joŋ ma yiɛlaa kala he ku-la Wia si jaŋ joŋo pima bua-la le Yesu Kirisito si jaŋ miira kɔ. ¹⁴ Má tuto Wia niŋ. Bua-la le ma fa si bi Wia jiŋ, ma faa to ma tuɔtɔre wu-ɲaalaa le ne. Ma bira síba to. ¹⁵ Wia

bi disinnij kene aŋ yirema. Ɔii wiaa, má ma sí disinnij keŋ wii-na kala ma síi ɣaa le, ¹⁶ bæe wiaa ba ɣmuŋsa faafaa kala ne ari Wia si, “Ma sí disinnij keŋ, bæe wiaa mi ma bi disinnij kene.”

¹⁷ Ɔ si keŋ Wia yire ɣ Nyimma duu peŋ le, liise yi ari duu ní dii niaa sariya, u biba kaa pɔre. U yie tiŋ nuu-kala ɣii nii-la si tima mage. Má saa fáu a leŋ di ma wu-ɣaalaa zɔŋ dunia deeŋ le.

¹⁸ Ma kala jima ari Yesu Kirisito tiŋ ma chimij a liisema wu-peiba ɣaaniŋ le. Ma naabalimaba faa ɣaa wu-peɪ deeŋba ne. U bi naga ari kialij síi chei a nage selime koo moribiee ne u joŋo yɔɔma. ¹⁹ Ama Yesu Kirisito chaliŋ titia ne u joŋo tiŋ ma chimij. Moribiee bima wuo yɔɔ. Yesu nage pie-bie ne ba si liisa di ba kpu a pi Wia. U ɣaa Pie-bii-zɔŋ ne a bi wu-bɔŋ kala kene. ²⁰ Buŋbuŋ kala, ka di Wia-na ɣaa dunia, u liise Yesu Kirisito ne duu tou le a laa dunia niaa ta. Dunia si ku kpage derij, Wia leŋ u kɔ ma teen duu laama ta. ²¹ Má tou le a laa Wia wiaa dii ne. U ne chise Yesu suuŋ le a pu yiriŋ di ma yarida ari ma yiɛlaa kala he Wia le.

²² A tiŋ ma síi to wutitii woŋbiin le ɣii, ma piise ma disinnij kala ta ne. Ma si ɣaa ɣii, ma sene cho ma naaŋbiiri-la si laa Wia wiaa dii. Ɔii wiaa, má keŋ ma tuɔŋ ari ma doluŋ kala a wasa cho dɔŋɔ. ²³ U naga ba wasa lulma ne a tiŋ Wia niin wiaa si pi niaa miisinj. Ba ne pima mii-falinj. Ba bi jaŋ pua, ba jaŋ he dime a kaa mu wuu. U bi nage nuhuobiine síi suu ne pima miisinj deeŋ. Ama Wia-la si bi suu ne pima. ²⁴ Ba ɣmuŋse Wia tenij tuɔŋ a bul,

“Nuhuobiine kala nage yaŋ ne. U zomuŋ kala nage ya-fiilaa ne. Yaŋ-la hil, ka ya-fiilaa ma yuori. ²⁵ Ama Wia niŋ wialiŋ jaŋ he dime a kaa mu wuu.”

Wia niŋ wialiŋ ne ŋaa wu-zomɔ-la ba si bula pima.

2

Piita bul wiaa a tige tabiiŋ si keŋ miisiŋ

¹ Ma si keŋ mii-faliŋ ŋii, má liise ma titia wu-bɔŋ kala le, a sí niaa nyinyisu, a sí kaŋfugi timma ŋaa. Ma sí yaribieriŋ keŋ, a sí niaa hariŋ gigaa. ² Ama u maga di ma nage bii-mulluŋ ne aa che yiliŋ di ba wase a waa. U maga di ma ma chiche Wia niŋ wialiŋ ari bii-mulluŋ síi che yiliŋ ŋii. Di ma níi che Wia wiaa ŋii, ma jaŋ waa woruŋ ba le, a mu yi tapulii-la Wia si jaŋ laama ta. ³ Má ŋaa ŋii, beɛ wiaa ma titia jima ari la Tiina Wia keŋ zile ma teenŋ.

⁴ Ŋii wiaa, má ku kpage la Tiina Kirisito, nii-la si nage tabii-la si keŋ miisiŋ. Niaa viau ta, ama Wia ne liisu u ŋaa ku-zɔŋ u teenŋ. ⁵ Di ma ne kpagu, ma ma titia jaŋ nage tabia-la si keŋ miisiŋ. Ŋii wiaa, má leŋ di Wia keŋma saa u dia, lee-la u Diŋ-zɔŋ-la si jaŋ he. Wia liisema di ma sí disinniŋ keŋ a laa niaa nyuŋ a tima pupu, ari nialiŋ fa si laa niaa nyuŋ a kpu pusuŋ pi Wia ŋii. Wia cho di ma to u Diŋ-zɔŋ-la le ne a tima pu ari ma tuɔŋ kala, a tiŋ Yesu Kirisito wiaa.

⁶ Ba ŋmuŋse Wia teniŋ tuɔŋ a bul,

“Wia si, mi joŋ tabiiŋ ne a bil Zaayɔŋ le,
tabii-duo-la mi si jaŋ kaa bil mi dia gertine.
Mi liise tabii-la ne, u zomɔ pimi.

Nii-la kala si laa u wiaa dii, hiisiŋ bi jaŋ dii u tiina.”

⁷ Ma nialiŋ si laa u wiaa dii, u ŋaa ku-zoŋ ne ma teeŋ. Ama ba ŋmuŋse Wia teniŋ tuoŋ a tige nialiŋ si bi u wiaa laa dii le,

“Tiebie-la dii-saaraa si via,
Wia leŋ u ku ŋaa tiebii-duoŋ ba si joŋo bil dia geŋtine.”

⁸ Ba bira ŋmuŋsa ari niaa jaŋ geŋe tabii-la a tel.

Tabii-la ŋaa buŋ ne.

Ba jaŋ tel, beŋ wiaa ba via Wia niŋ wialiŋ ne. Wia bul faafaa ne ari ba jaŋ ŋaa ŋii.

⁹ Ama Wia liisema di ma ŋaa u niaa, a laa niaa nyuŋ a tima pipi ma Kuoro. Wia titia ne tiima. Ma ne ŋaa nialiŋ Wia si liisa di ma ŋaa u niaa. U yirema di ma wuo bul wu-kpuŋkperisi-la kala u si ŋaa a pi niaa ari ŋii u si liisema birimiŋ tuoŋ a kaa ku juu u puluŋ-jalii-la tuoŋ.

¹⁰ Buŋbuŋ-la ma fa bi kuŋ-kala ŋaa, ama lele ma ŋaa Wia niaa ne. Wia fa bima nennige fá, ama lele u fáma nennige ne.

Wialiŋ si maga di ma nialiŋ si laa Yesu wiaa dii ŋiŋaa

¹¹ Mi naaŋbii-kpianaba, ma jima ma ŋaa nuhuɔraa ne a bi dieni dunia deeŋ le. ŋii wiaa, mii sulma, má liise ma titia ma tuɔtɔre wu-ŋaalaa le, beŋ wiaa ma tuɔtɔre wu-ŋaalaa bi jaŋ sei di ma ŋaa wialiŋ sí tɔre Wia tuoŋ.

¹² Ma si guoli nialiŋ si bi Wia wiaa laa dii tuoŋ, má keŋ ma titia woruŋ, di ba sí woŋbiŋ na a bul ari ma ŋaa ni-bomo ne. Di ba níi bul

ma ɲaa wu-bɔŋɲɔɔ maa, má leŋ di ba na wu-zɔmɔ-la ma síi ɲaa, a denne Wia duu yiriŋ yire tapulii-la u si jaŋ dii niaa sariya. ¹³ A tiŋ la Tiina Yesu Kirisito wiaa, má sei nialiŋ si keŋ doluŋ aa beŋma dunia deeŋ le. Má zizil ma tiŋteenŋ kuori-baliŋ, nii-la síi beŋ nuu-kala, ¹⁴ a bira zizil nialiŋ kuori-baliŋ síi liisa di ba laa u nyuŋ. Ba yie dudɔgise nialiŋ síi ɲaa wu-bɔŋɲɔɔ, aŋ bibese nialiŋ síi ɲaa wu-zɔŋɲɔɔ le. ¹⁵ Wia tuɔɔruŋ ne ɲla, di maa ɲaa wialiŋ síi to woŋbiŋŋ a wuo leŋ di ni-yaara-la si bi wii jiŋ, di ba sí wii wuo bul a tigema le. ¹⁶ Ma tii ma titia ne, ɲii wiaa má hoŋ ari nialiŋ si tii ba titia, aŋ sí leŋ di ɲii ɲaa di ma ɲaa wu-bɔŋɲɔɔ. Ama má ɲaa wialiŋ si jaŋ dage ari ma ɲaa Wia tiŋtinnaa ne. ¹⁷ Má zil nuu-kala. Má cho nialiŋ ma si laa Yesu wiaa dii a ɲaa ma naaŋbiiriŋ. Má fá Wia a zizil ma kuori-baliŋ.

Má to Yesu naa-buasun

¹⁸ Ma nialiŋ si ɲaa tiŋtinnaa a timaa pi niaa, má tuto ma nihiasiŋ niŋ a zizilba bua-na kala le. Di ba keŋ zile koo di ba ne tere ma teenŋ, má pipiba zile. ¹⁹ Di nuu ne bi wii cheye ka baa dɔgisu, a tiŋ u síi to Wia ɲii, di tiina ne nyalima a na hee-la, u ɲaa woruŋ ne Wia teenŋ. ²⁰ Di ɲ ne ɲaa wu-bɔŋ di ba dɔgisuŋ, ka ɲ wuo dii kenyiri ɲii le, u bi maga di ɲ chiche di ba lolluŋ. Ama di ɲ níi ɲaa wu-zɔŋ, ka di baa dɔgisuŋ a tiŋ wu-zɔŋ-la wiaa, di ɲ ne nyalima, Wia tuɔŋ jaŋ tɔre ɲ nyuŋ. ²¹ Wia paala yirema di ma na heeŋ. Má liisi ari Yesu Kirisito titia ma na heeŋ

nε ma wiaa a dagema ηii ma si jaη to u naa-buasun. ²² U bi wu-boη kala ηaa. U bi wu-nyiari kala nyia. ²³ Ari niaa si tuusu ma kala, u biba laa tuuse. Ari ηii ba si dɔgisu kala ma, u bi bula bul duu ma jaη dɔgiseba. U ta joη wii-kala a he Wia nisin ɛ nε, nii-la si jaη keη wutitii a dii niaa sariya. ²⁴ Yesu Kirisito titia nε laa la haacheba a chuη, ba kpaasu mere daa-gesee nyun di la joη hariη yia haache a ηiηaa tuɔ-pul wiaa. Ba viiru, chaliη lii u yaraa ɛ. U ηii leηe la nyanyalaa kala dere la yaraa ɛ. ²⁵ Ma fa nage piesee si yeηηe nε, ama leeɛ ma miira ko Pie-daari-la, nii-la si beη ma miisiη pima.

3

Haalaa ari ba balaba si maga di baa ηaa ηii dɔηɔ ɛ

¹ Ma haalaa, má leη di ma siaa tuu tiηteen ma balaba teen. Di haala dɔηɔ keη bala si bi Wia wu-zɔmɔ-la laa dii, u bala-la jaη wuo birima lii u wu-ηaalaa ɛ a laa Wia wu-zɔmɔ-la dii a tiη u haala mele si zɔmɔ wiaa, di haal-la nε paala bi Wia wu-zɔmɔ-la bula pu maa. ² Di ma ηaa ηii, ba jaη na ma mele si zɔmɔ ari ηii ma sí fá Wia. ³ Ma sí bibiinu ηii ma si jaη lilaale kpieraa a zɔη ηii, ari ηii ma si jaη vɔɔ ma nyun duu zɔη, a sí selime kuη-kala joηo he ma yaraa ɛ di ma zɔη, a sí biine ηii ma si jaη lilaale geri-zɔηηɔɔ. ⁴ Ama má leη di ma zɔmuη lii ma tuɔη nε. Má hoη som a keη ma titia muuri. Zɔmuη deη yiri-na bi lel. U nε bira keη nyuuruη ma Wia teen. ⁵ Faafaa haala-la faa kpiere ba titia

ηii ne a joη ba nyuη ari ba yielaa kala he Wia
 le a keη ba siaa tuu tiηteenη ba balaba teenη.
 6 ηii ne haal-la ba sii yire Saara ma fa to u bala
 Abiraham niη a kenu yiyire u tiina. Di ma nii
 ηaa wialη sii to woηbiη a si leη di fawulluη
 keηma wii-kala le, ma ηaa Saara biirinη ne.

7 Ma baalaa maa, ma leη di ma mele zοη a keη
 ma haalaa woruη. Ma jima di ma dolie kiiba
 ne. ηii wiaa, ma pipiba zile, beη wiaa Wia ne
 pi ma kala miisi-la si bi derε. Di ma ne ηaa ηii,
 wii-kala bi jaη wuo ku he ma di Wia pege a chei
 ma Wii-chuoluη.

Ma si wu-boη joηo tiη wu-boμuη chiminη

8 Wii-la mi sii che di mi bul wu-kaaninη ne
 ηla: Ma kala keη tuobiη-bala ne, ma fifa doηo
 nennige, a cho nialη kala si laa Yesu wiaa dii, a
 keη zile doηo le, a keη ma titia muuri doηo teenη.

9 Ma si wu-boη joηo tiη wu-boμuη chiminη. Di
 nuu ne tuusema, ma si tuusa tiη, ama ma sul
 Wia duu pe tiina le, beη wiaa Wia ma liisema
 ne duu pema le. 10 Ba ηmuηse Wia teninη tuoη
 a bul,

“Di nuu-kala nii che duu nii sima dunia deηη le
 a keη tuotoruη,
 tiina si wu-boηηo bubul,
 a si wiaa ma nyinya.

11 Tiina miire wu-boηηo ηaaninη le,
 a ηηaa wialη sii to wutitii woηbiη,
 a fiεε siη di ba tuosaa fiεε doηo nyuη,

12 beη wiaa Wia siaa kala he nialη sii ηaa tuo-
 pul wiaa le ne,
 a wuoli u digilaa maa a ninii ba Wii-suluη.

Ama Wia jon̄ u hariŋ yia ni-bon̄ɔɔ nɛ.”

¹³ Di ma nɛ fiɛɛ siin̄ di ma wuo ŋiŋaa wu-zon̄ɔɔ, kubɛɛ nɛ jaŋ wuo ŋaa wu-bon̄ ma lɛ? ¹⁴ Di ba n̄ii dɔgisɛma maa a tin̄ ma tuɔ-pul wu-ŋaalaa lɛ, Wia jaŋ pɛma lɛ. Ŋii wiaa, ma sí nialin̄ si dɔgisɛma fá, a sí ma titia ma wiwalimu. ¹⁵ Ama ma tuɔŋ lɛ má fifá Kirisito a leŋ duu ŋaa ma Tiina. Bua-na kala lɛ, di nuu nɛ piɛsin̄ duu jin̄ wii-la si tii ŋ laa Yesu wiaa dii, ŋaa siri a to wii-la naasin̄ pu. Ŋ sí fá Wia ŋii, bul wii-la ari siifiɛlaa. ¹⁶ Bua-na kala lɛ, má leŋ di ma tuɔbiinaa chesi, di ma wu-ŋaalaa dage ari maa to Kirisito nɛ. Di ma n̄ii ŋaa ŋii, hiisin̄ jaŋ dii nialin̄ síi chei ma yirin̄. ¹⁷ Di u nɛ ŋaa Wia tuɔtɔrun̄ di ma na hɛɛŋ a tin̄ ma síi ŋaa wialin̄ síi to wutitii won̄biin̄ wiaa, u nɛ kpia ma si ŋaa wialin̄ si bi won̄biin̄ ka to a na hɛɛŋ. ¹⁸ Yesu Kirisito titia suu la haacheba wiaa nɛ, duu wuo liisela la haacheba lɛ. U ŋaa ŋii bala dun̄duŋ nɛ. U nɛ fa ŋaa tuɔ-pul tiina a suu haachɛ tin̄ŋaa wiaa, duu wuo kɛŋla kaa mu Wia teen̄. Nuhuobiinee nɛ kpu u yaraa, ama Wia leŋ u dima wei a kɛŋ miisin̄. ¹⁹ Ŋii hariŋ u ni-dima lɛ u mu bul Wia wu-zomɔ-la a pi ni-diŋsi-la ba si kaa tɔ dia. ²⁰ Niaa deen̄ba nɛ fa via di ba to Wia niin̄ wiaa bua-la lɛ Nowa fa síi kpaasɛ liin̄ dabori-bal-la. Bua deen̄ lɛ Wia fa kɛŋ kenyiri a gbigberɛba di ba ku juu liin̄ daboro-la, ka ba via. Bua-la lɛ niaa chori dun̄duŋ nɛ fa juu liin̄ dabori-bal-la, a duori lii-la, a lii a laa ba miisin̄. ²¹ Lii-la tuɔŋ ba si duoro lii nage ba si fo niaa Wii-chuoɛ liin̄ nɛ. Di ba nɛ fon̄ Wii-chuoɛ liin̄, u bi naga ari ŋ

yaraa disinniŋ nɛ ba chɛsɛ ta ɗii. Ba si foŋ Wii-chuoɓɓɛ liiŋ ɗii, u naga la yie sul Wia duu to Yesu Kirisito ɓɛ si sii suuŋ ɓɛ a chɛsɛ la tuɔsaa di ba zoŋ. ²² U nɛ lii dunia ɓɛ a jil Wia-jaŋ a hoŋ Wia sɛmɛ, ni-duoŋ di-hoŋuŋ. U nɛ keŋ doluŋ a bibɛŋ Wia tiŋdaaraa ari kuŋ-kuŋ-kala si keŋ doluŋ a hɛ Wia-jaŋ ɓɛ.

4

Má leŋ faafaa wu-ŋaalaa

¹ A tiŋ Kirisito titia si na hɛɛŋ ɗii, má keŋ ma titia a ɗaa siri di ma na hɛɛ-la yiri u si na, bɛɛ wiaa nii-la kala si na hɛɛŋ, haache bira buu wuo. ² Ma si hɛ ma mii-kaaniŋ deɛŋ ɓɛ, ma bira sí ma tuɔtɔɓɓɛ wu-ŋaalaa ɓɛ to, ama má tuto Wia tuɔtɔɓɓuŋ ɓɛ. ³ Buŋbuŋ-la kala ɓɛ ma faa ɗaa wialiŋ nialiŋ fa si bi Wia jiŋ síi ɗaa nɛ. Má leŋ wialiŋ. Ma faa to ma tuɔtɔɓɓɛ wu-ŋaalaa hariŋ nɛ aa ɗaa wu-liiliŋ, a chil ma titia wiaa, a faa nyua siniŋ bubugi, a fa faasa didii kiaa, a yie goɓɓo nyunyua siniŋ, a faa kpaare vuuiaa maa. Vui-kpaariŋ bi Wia woŋbiŋ ka to. ⁴ Nialiŋ si bi Wia jiŋ ɗaa wu-boŋŋoɔ kiŋkeŋ. Lɛɛɓɓɛ ma bira bi ɗii ɗaa. Niaa deɛŋba si na ɗii, u ɗaaba wu-kpuŋkpere, ɗii wiaa nɛ ba tutuusema. ⁵ Ama tapulii kubala, ba jaŋ dage wialiŋ kala ba si ɗaa a pi nii-la si ɗaa siri duu dii ni-weyee ari ni-suunuŋ kala sariya. ⁶ Ɔla wiaa nɛ tii Kirisito bul Wia wu-zomɔ-la a pi nialiŋ si suba maa, di ba diŋsiŋ keŋ miisiŋ ari Wia si keŋ miisiŋ ɗii. Wia paala dii ba sariya dunia deɛŋ ɓɛ ari u si dii niaa kala sariya ɗii. Ama u bul Wia wu-zomɔ-la a pi nialiŋ si suba, di ba diŋsiŋ wuo keŋ miisiŋ.

Ŋii nialiy si laa Wia wiaa dii si maga di ba ŋiŋaa dɔŋɔ ɛ

⁷ Bua-la dunia si jaŋ dɛrɛ kpaga nɛ. Ŋii wiaa má kɛŋ ma titia woruŋ di ma siaa fiɛɛ, di ma wuo chuchuoɛ Wia. ⁸ Wii-la si ŋaa siifiaŋ wiin nɛ ŋla: Má hɛ ma doluŋ kala a faasa cho dɔŋɔ. Di ma nɛ cho dɔŋɔ, ma jaŋ tuto wialiy ma dɔŋsuŋ tiŋŋaa si ŋaa cheima ɛ. ⁹ Má kɛŋ zile a huhuɔrɛ dɔŋɔ woruŋ ma diisiŋ ɛ, a sí wiaa gugurimu.

¹⁰ Wia jonŋ doluŋ pi nuu-kala duu kaa tiŋ tiŋtiŋ-yiri-yiriba nɛ. Ŋii wiaa nuu-kala kɛŋ wii-la Wia si joŋo pu a kaa pipɛ u dɔŋsuŋ tiŋŋaa ɛ.

¹¹ Di Wia nɛ pi nuu-kala doluŋ duu wuo bubul wiaa, má puu wonɓiiŋ duu wuo bubul wialiy si lii Wia teenŋ. Di nuu nɛ tima pipi niaa, ú kɛŋ dol-la Wia si joŋo pu a tima pipiba. Má ŋaa ŋii di niaa wuo to Yesu Kirisito ɛ a bibɛsɛ Wia, duu yiriŋ yirɛ wii-na kala ɛ. U nɛ nii-la si kɛŋ doluŋ ari yiriŋ a kaa mu wuu. Ami.

Hɛɛ-la nialiy si laa Wia wiaa dii sí na

¹² Mi naanɓii-kpianaba, ma sí leŋɛ di hɛɛ-la ma si faasa nina, duu ŋaa wu-kpuŋkpere ma ɛ. Wiaa deenɓa kala ka magisema nɛ. Ma sí leŋɛ di wiin deenŋ ŋaa wu-falii ma teenŋ. ¹³ Hɛɛ-la Kirisito si na, má ma na hɛɛ-la titia nɛ. Ŋii wiaa má juɔsɛ. Tapulii-la Kirisito nɛ kɔ ari u tula, ma jaŋ faasa juɔsɛ. ¹⁴ Di ba níi tuusema a tiŋ Kirisito wiaa, Wia jaŋ pɛma ɛ, bɛɛ wiaa Wia Diŋ-zɔŋ-la si kɛŋ doluŋ hema ɛ nɛ. ¹⁵ Má si wu-boŋŋɔɔ ŋaa di niaa dɔŋisema. Ma kuŋ-kala sí hɛɛŋ na a tiŋ u si kpu niaa wiaa, koo u si ŋaa

gaaru wiaa, koo u si ɲaa wu-bɔŋɲɔɔ wiaa, koo u si ɲaa wu-heeru wiaa. ¹⁶ Ama nii-la kala sɪi na heeɲ a tiɲ Kirisito wiaa, u sɪi leɲe di hiisiɲ kenu. U maga di tiina denne Wia, bee wiaa niaa jima ari uu to Kirisito ne. ¹⁷ Bua-la Wia si jaɲ dii dunia sariya yie ne. U jaɲ laa sipaaɲ a suomi Wia niaa le. Duu ne saa suomiba le, ee ne saa u jaɲ nage nialiɲ si bi Wia Wuzomɔ-la ka to le?

¹⁸ Ba ɲmunse Wia teniɲ tuɔɲ a bul,

“U ɲaa wu-haa ne ari ɲ ɲaa tuɔ-pul tiina Wia sipaaɲ, duu laaɲ ta.

Ɛe ne saa u jaɲ nage nialiɲ si bi Wia jiɲ a ɲiɲaa wu-bɔŋɲɔɔ?”

¹⁹ ɲii wiaa, má leɲ di nialiɲ sɪi na heeɲ a tiɲ Wia tuɔɔruɲ wiaa ɲiɲaa wialiɲ sɪi to Wia wonɲbiɲ. U maga di ba joɲ ba titia kala a he Wutitii Tiina-la si ɲaaba, nisiɲ le.

5

Má beɲ Wia nialiɲ woruɲ u si joɲo he ma nisiɲ le

¹ Mi keɲ wii ne di mi bula pi ma nialiɲ si ɲaa Wia niaa nihiasiɲ. Mi ma ɲaa Wia niaa nihiaɲ dɔɲ ne. Mi titia siɲ na hee-la Kirisito si na ne. ɲii titia ne mi ma jaɲ na tula-la Kirisito si jaɲ na bua-la le u si jaɲ miira kɔ. ɲla ne tii mii sulma ² di ma beɲ Wia nialiɲ u si joɲo he ma nisiɲ le, ari pie-daaraa si beɲ ba piesee nyuɲ ɲii. Ma sɪi leɲe duu nage ari baa fugema di ma beɲba, ama má beɲba ari ma titia tuɔɔruɲ. Má cho tiɲtimii-la, aɲ sɪi time-la ma sɪi laa hariɲ to, bee wiaa u bi maga di ma keɲ yaribieriɲ aa che moribiee. ³ Ma sɪi doluɲ kaa beɲ niaa deenba

Wia si joŋo he ma nisiŋ le. Ama má leŋ di ba na ari ma meŋe zomɔ, di ba tuto ma naa-buasun.

⁴ Di ma ne ŋaa ŋii, tapulii-la Yesu Kirisito si jaŋ miira kɔ, nii-la si ŋaa Pie-daaraa kala kuhian, u jaŋ joŋ ku-la si zomɔ a kii kuŋ-kala pima. U-na bi jaŋ chei. ⁵ Ma bapuosi-biisiŋ, má joŋ ma titia he ma nihiasiŋ nisiŋ le. Má kala keŋ ma titia muuri ma dɔŋɔba teen. Má liisi ari Wia teniŋ tuɔŋ ba bula,

“Wia lii nialiŋ síi bigisi ba titia le hariŋ ne, ama nialiŋ si keŋ ba titia muuri, uu peba le ne.”

⁶ Ŋii wiaa, má keŋ ma titia muuri Wia teen. U ne keŋ dolun a wuo beŋma. Di bua-la ne yie, u jaŋ leŋ di ma ŋaa ni-balaa. ⁷ Wii-la kala síi walimema, má joŋo he Wia nisiŋ le, bee wiaa u níi beŋma. ⁸ Má leŋ di ma siaa fiele aa pɔ ma titia le worun. Ma diŋdɔŋ-la Sitaani, uu gollima ne a nage naachigiŋ si gollo yele chiche kudiilee, aa che duu keŋ ma dɔŋɔ dii. ⁹ Má via Sitaani aŋ keŋ wialiŋ ma si laa dii kpaŋ kpaŋ. Ma jima ari nialiŋ ma si laa Wia wiaa dii a ŋaa ma naaŋbiiriŋ a he dunia seme-na kala, ba maa na heeŋ ne. ¹⁰ Heeŋ deen ma síi na bi jaŋ dieni. U ŋii hariŋ le, Wia-la si keŋ zile kiŋkeŋ kiŋkeŋ a yirema di ma ma na tula-la Kirisito si kene a kaa mu wuu, u ne jaŋ keŋma wasa kii, a leŋ di ma chaasa chiŋ ari dolun. ¹¹ Wia ne keŋ dolun a kaa mu wuu. Ami.

Chuɔlaa

¹² Mi ne leŋe Silivaanas ŋmunse teniŋ deen pipima. Mi jima ari u ma ŋaa la naaŋbii-titii ne. Wu-kuu-bie ne mi ŋmunse pima di mi ŋaa

di ma nyuŋ nyaase ne. Wutitii ne, mi bula pima
ŋii Wia si pela le. Ŋii wiaa má chii wiaa deenba
le kpaŋ kpaŋ. ¹³ Nialii si laa Yesu wiaa dii aa
hilimi Babilon le, nialii Wia si liisa di ba ŋaa u
niaa ari u si liisema ma ŋii, ba maa chuolema.
Mi bie Maak maa chuolema. ¹⁴ Má guori doŋo
a chuole doŋo, a dage ma si cho doŋo ŋii.

Ma nialii kala si laa Yesu wiaa dii, ma jaŋ
hoŋ ari yarifielaa.

**Yesu Kiristito Wu-Zongɔɔ (Ghana)
Sisaala-Tumulung NT Ghana**

copyright © 2014 Wycliffe Bible Translators, Inc.

Language: (Sisaala, Tumulung)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 13 Jun 2022
b3eb8618-120f-5a96-8c1c-1dbc16914330